



Foto – MAD – In pèr tozzels pauns cojan en il furn bain stgaurà

INGREDIENZAS

10 kg farina naira
10 kg farina mez alva
ca. 16 l aua
3-5 tocs levon (120-160g)
400 g sal

Recept da paun da la gruppa da paun da Salouf

La gruppa da paun da Salouf tgira la veglia tradiziun da far paun en il pastrign cun il furn da laina. La gruppa ch'exista passa 30 onns ha da preschent dudesch commembras. Adina duas persunas fan ina giada per mais paun en il furn. Las autras san suentir ir mintgina per trais fin quatter pauns. Per motivs da qualitat preferescha la gruppa las farinas da Gran Alpin.

Far ina bella pasta cun las ingredienzas.
Laschar levar almain 12 uras.
Faudar pliras giadas la pasta.
Furmar ver 50 fin 60 pauns.